

元明事類鈔

元明事類

卷八

總校官知縣臣繆琪

校對官中書臣李斯咏

謄錄監生臣馮國炳

欽定四庫全書

元明事類鈔卷二十八

監察御史姚之駟撰

身體門

頭

額有雙樹 元史何榮祖狀貌魁偉額有赤文如雙樹

背負隆起相者云當位極人臣且壽也

抵額拔矢 元史張榮狀貌奇偉嘗為流矢貫背拔之

不出令人以足抵其額而出之神色自若

髑髏盛酒

納延輓諤哲元帥詩感栗按歌吹落月髑

髑盛酒醉西風自注公嘗漆倭人首為酒器

鑿腦

元史宣陽秦氏女父有危疾鑿已腦和藥進飲

即愈詳見孝子

惡頭瘡

袁中道集李溫陵一日惡頭瘡倦於梳櫛遂

去其髮獨存鬢鬚

頭病郎

明紀事本末陳友定少病頭瘡傭於羅氏嘗

與羣兒樵設隊伍為戲羅奇之將以為婿媼曰頭病
郎足婿耶因失驚而奔於隣隣家夢虎踞門得友定
大喜竟婿之後開府福建

天庭北斗 楊守陳神道碑公在妊時母夢大星入懷
及生天庭有七黑子狀如北斗

抱頭哭 明通紀魏璫一祠木像頭稍大小豎上冠不
能容匠人恐急削而小之小豎抱頭痛哭責匠人
頭顱二尺 黃佐集倫文叙長身玉立頭顱大二三尺

許五歲時與羣兒戲有術者指之曰此兒大魁相也
後會試殿試皆第

面

三毫怒指 元史帖木兒篤學有名修眉覆目左頰有
三毫怒則毫皆直指

刺面 元史類編段氏隆興夫死諸父令其改適氏引
針刺面墨漬之誓死不貳

爪面 元史馮淑安山陰縣尹李如忠繼室也如忠歿

父母憐之欲使更事人馮瓜面流血不肯從

子如北斗 吾學編陳白沙身長八尺目光如星右臉
有七黑子如北斗狀

自壞其面 吳中往哲記王仲光志不願仕因自壞其
面貌終身獨居以賣藥自給姚少師來訪弗肯見之
方盥遂掩面起

雪頰面 宋濂集孫孝子惟中廬墓晨起無火掬雪頰
面輒詣墓再拜

額誌 李東陽集羅璟父從善從楊文貞公夢鶴而生
璟額有赤誌可寸許文貞曰此鶴相也當貴且多壽
後任至祭酒壽七十二

耳

耳聳過眉 元徐世隆集宋子貞貌清竒耳聳過眉寸
許相者以為壽且貴

巨錐刺耳 陶望齡集徐渭以胡宗憲被逮懼禍及發
狂引巨錐刺耳數寸流血幾殆

耳中得物 陳繼儒聞見錄永樂中吳城有老父偶治
耳於耳中得五穀金銀器皿等物凡一箕後更治之
無所得惟正中有一小木交椅製作精妙椅上坐一
人長數分甚有精氣後無他異

耳中成繭 啟禎野乘趙南星為考功主計時靜坐簞
燈精心參酌蟲巢於耳繭成而不自覺

王鐵耳 明史藁王世琮為汝寧推官討土寇流矢貫
耳不為動時號王鐵耳後死闖賊之難

龍螫 泳化編河東人有患耳鳴者時或作痒以物探之出蟲蛻輕白甚一日與侶並耕雷雨交作語其侶曰今日耳鳴特甚何也未幾雷一震腦裂而死乃知龍螫其耳至是化去也

聵耳 趙貞吉集孫堪忠烈公子聞江西難即挺戈往一痛死而復甦遂聵其耳詳見孝子

尤半耳 啟宗野乘尤世威為提兵事侯公恂公行邊遇大炮災壓敵樓下背上積二十二死人世威震而

仆五里外尋起求公趨而抱之火及冠袍脫去遂燒其鬚及左耳竟負公以出行四十里邊人謂之尤半耳

聞修醮事

暖姝繇筆高僉憲之姊嫁嚴氏八十一歲

時耳中忽聞有道士聲如一老一少誦經修醮云為其保安身命者又聞其卜年壽至九十云去不得了至公十三歲間說三年圓滿若欲畢事者其子請道士設醮答之自此寂無音聞嘉靖十四年年八十四

矣

目

目耕 王逢集李好文家貧力學鄰媪曰子奚掘耕好

文曰吾目耕耳既而諺曰目耕夜分李好文

目中有火 元史孟速思幼有奇質太祖召至一見大

悅曰此兒目中有火他日可大用又劉哈喇召見世

祖謂其目有火光留侍左右

禱目復明 元史類編劉通母目失明通誓斷酒肉禱

之三十年不懈母年八十五忽復明

目有神光

元史呂思誠生時目有神光後為大司農

馬尾縫眼

瞿祐詩話虞伯生為文宗草詔以順帝為

非其子後順帝即位毀棄舊話伯生時在江西以皮

繩拴腰馬尾縫眼夾兩馬間逮至大都至則以文宗

親改詔藁呈尋得釋兩目由是喪明

磁眼

輟耕錄杭州張存幼患一目忽遇巧匠為安一

磁眼障蔽於上人皆不能辨其偽

咨目童 宋濂集走也病目視不及尋簡禮越過速僞
招刺乃抽隱思引物媿義作咨目童文

雙瞳燭人 國寶新編徐禎卿神清體弱雙瞳燭人

目三角 泳化編袁珙目道衍曰目三角影白形如病
虎性必嗜殺

借目光 帝京景物畧于忠肅被刑夫人流山海關夢
公曰吾形殊而魂不亂獨目無光明借汝眼光見形
於皇帝翌日夫人喪其明會奉天門災英廟見公形

火光中上念其寃乃貸夫人歸又夢公還目光目復明也

三目公 明通紀楊一清額上一穴如眼號三目公明史樂府三目楊公真丈夫披甲上馬奮臂呼

晝夜不瞑 啟崇野乘虞長孺生而目光炯炯晝夜不瞑

黍上作字 宋濂行狀憲視近甚明一黍上能作十餘字

瞳樞電轉 張真人傳真人字初方髻半襲掌道教入
觀高皇笑曰瞳樞電轉絕類乃父蓋歷代相傳以眼
圓而鉅者為元應云

獨目將軍 明史藁尤繼先榆林人習兵敢戰眇一目
時稱獨目將軍

瞽人箋詩 唐汝言五歲而瞽父兄抱膝上授以三百
篇及唐詩無不成誦旁通經史能為諸體詩箋註唐
詩援据該博嘗過余誦子虛上林諸賦杜白諸長篇